



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 64. Bresvicensis, & Wengroviensis Synodus circa eandem quæstionem.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

Sæcul. XVI. lesio, Matthiæ Albino Iranoviensi Mi-
A.C. 1565. nistro, Hieronymo Pirckarfio, & Mar-
 tino Czechovio, qui postremus adeo
 dextre Cuiavienses ad sua studia in-
 flectebat, ut hi non nisi adultis Baptis-
 ma conferri permetterent.

§. LXIV.

*Bresvicensis, & Wengroviensis Sy-
 nodus circa eandem quæstionem.*

Lublenies.
l. c.

Jamjam anno Christi millesimo quin-
 gentesimo quinquagesimo nono Si-
 mon Zacius Prossевичius Vilnensis Ec-
 clesiæ Senior fidei formulam vulgabat
 adversus Baptismum parvulorum: inde
 vero accerrimæ oriebantur altercatio-
 nes inter Czechovium, Nicolaum Wan-
 drogovium & Paulum Lithuanicarum
 Ecclesiarum Superintendentem; hic
 enim infantum Baptisma propugnabat,
 primi autem duo eidem adversabantur:
 ut ergo inter eos concordia reddere-
 tur, anno Domini millesimo quingen-
 tesimo sexagesimo quinto Bresvicii Sy-
 nodus indicebatur, ad quam triginta
 duo Ministelli confluerant, irrito ta-
 men successu; quippe a copioso horum nu-
 mero nec litigantibus silentium imponi,
 nec duorum Anabaptistarum petulan-
 tia reprimi potuit: quapropter hoc ne-
 gotium ad aliam Synodum remitteba-
 tur, quæ etiam die vigesima quinta
 Decem-

Sæcul. XVI,
A.C 1565.

Decembris hoc anno Wengroviæ in quadam Podoliæ urbe habita est, ad quam ut Vilnenses etiam accederent Ecclesiæ, Luthoromiskius missis ad eas literis sollicitabat: convenerant ergo ibi quadraginta septem Ministri, sexdecim Proceres, ac quamplurimi Lithuani, qui omnes parvulorum Baptisma rejiciebant. Præerat huic conciliabulo Philoppovius consentiente universo ceterorum confessu, ac præprimis Kiscianæ, & Annæ de Radzivilia Palatinarum literæ prælegebantur: quibus perceptis examinabantur epistolæ Lublinensis, Sidloviensis, Briesciensis, aliarumque Ecclesiarum, quæ una omnes petebant, ut circa materiam de parvulorum Baptismo nihil nisi ex sacris literis decideretur, totoque studio tumultus, quibus Ecclesiæ inter se scinderentur, tandem sedarentur: verum jam sexta dies inter accerrimas contentiones effluerat, ac Baptisma infantium hinc impugnabatur, atque illinc non minori, quam antea in aliis Synodis contra Sanctissimæ Trinitatis Mysterium, & pro eodem dimicabatur, litigantium ardore defendebatur: verum rursus nihil omnino decisum est: nihilominus Lithuani Ministri ad suas Ecclesias reversi petulanter spargebant, quod Synodus damnato parvulorum

li 2

baptis-

Sæcul. XVI. baptis-
A.C. 1565. mum recipere volunt, prius in fide in-
 struendos esse; nonnulli autem Vilnen-
 ses Ministri, qui Baptismi necessitatem
 propugnabant, contra falsum hunc ru-
 morem reclamarunt, ac mordaci, livi-
 doque calamo Briesciensibus exproba-
 runt, quod perniciosam fidelium infan-
 tes a Baptismo arcendi consuetudinem
 in Ecclesias introducere non abhorre-
 rent. „Hi nullius frugis homines, in-
 „quiebant Vilnenses in sua epistola,
 „præprimis ut suæ conscientiae tran-
 „quillitati consulere, nonnisi adultos
 „Baptizari petebant, postquam vero suæ
 „nequitiae abyssus abyssum invocaverat,
 „etiam in dubium vocabant, an ipsorum
 „Baptismus valeret, ubi palam profite-
 „bantur, quod reipsa sacro fonte abluti
 „non essent: veniet autem tempus, in
 „quo divulgabunt, nec adultos esse
 „Baptizandos, eoquod omnes sint pe-
 „nitus spirituales. Præmissis hisce
 querelis in eadem epistola hortabantur
 Ministros Briescienses, ut infausta hæc
 Anabaptistarum deliria fugerent, &
 veræ Baptismi institutioni, atque Evan-
 gelio insisterent: demum eis polliceban-
 tur, quod ipsos ab inquietis, & turbi-
 dis hisce viris liberare velint. Data est
 hæc epistola Vilmæ Anno Incarnationis
 Domi-

Dominicæ millesimo quingentesimo sexagesimo sexto. Sæcul. XVI.
A.C 1565.

Briefcienses Ministri hisce literis admodum offensi eadem verborum acerbitate respondebant, ita eos alloquentes: „dicitis, quod doctrina infantum Baptismo contraria sit pestis, ac Reipublicæ ruina, necnon Ecclesiarum Dei exitium: nos vero hoc dogma appellamus Apostolorum præceptum, & doctrinam, quam etiam sequimur.„ Itaque hi finitis hisce altercationibus adhuc magis pertinaciter suis insistebant erroribus, suasque proles salutari unda ablui non permittebant: aliæ vero quædam Ecclesiæ, præcipue in Russia, & Transylvania de errore circa parvulorum baptisma haud contenti insuper etiam hoc Sacramentum appellabant idolum, illudque cum serpente æneo conferebant, addentes, quod hujus Baptismi necessitatem propugnantes imitentur illos, qui arcam Noe, Jeremiæ jugum, & Joæ sagittas quærent: præterea ajebant, quod hic Baptismus, etsi in Ecclesiæ exordio necessarius, nunc tamen nullius sit frugis, eoquod fidelium infantes ab Apostolis vocentur sancti, & illis cum re ipsa existent sancti, non sine errore peccatum originale imputari possit: exinde autem inferebant, Baptismo illis collato

Sæcul. XVI.
A. C. 1565.

nullam utilitatem afferri, eo vel maxime, cum illis, quibus in prima Ecclesia dabatur Baptismus, duntaxat ob peccatum originale fuerit collatus, eo fine, ut sancti fierent, & Dei, ac Christi Domini ejus Filii familiam auferent. His innixi principiis veterem Ecclesiæ usum circa Catechumenos observatum redintegrare nitebantur, ac sedulo illos, quos Baptismo abluere volebant, mysteriis fidei imbuebant, ita tamen, ut ipsi quicquid ratio, conscientia, ac propria utilitas inspiraret, agendi libertatem privatis relinquerent, hacque dissimulatione judicum inquisitionem fallere valerent, a quibus castigabantur, si eorum converiandi modus istis innotesceret.

§. LXV.

Valentini Gentilis historia continuata.

Hoc item anno iidem Anabaptistæ duos primarios suæ sectæ viros amittebant; præprimis enim periit Valentinus Gentilis, cujus supra meminimus. Hic in Synodo Pinczoviæ in Polonia Anno Christi millesimo quingentesimo sexagesimo secundo celebrata totam Arij doctrinam publice divulgabat: verum Regno excedere jubebatur juxta editum Sigismundi Augusti, qui e Polonia

Melch.
Adam in
vita Calvinii
Sand in
Bibl. Anti-
trin. p. 26.